



Universitätsbibliothek Paderborn

**Croesvs Et Codrvs. hoc est, Copiæ Et Inopiæ Damna vel
Lvcra, à bono iustoq[ue] Mundi Gubernatore Deo
Distribvta**

Stengel, Georg

Ingolstadij, 1648

§. 5. Altera claßis patienter paupertatem tolerantium.

[urn:nbn:de:hbz:466:1-52359](#)

ta hæc est egestas non bonæ monetæ, sed bonæ voluntatis? Hi tales omnes sanè calamitosi sunt, & deplorandi; sed non facit eos tales paupertas, voluntas facit, quæ si recta esset paupertate rectè vterentur, ut bonas artes, quibus ad diuitias peruenitur, & discerent, & factitarent.

§. V.

Altera classis patienter paupertatem tolerantium.

Psal. 61.
II.

Matth. 5.

Senec.
ep. 2.

Altera classis vehit eos, quibus cùm nihil desit, perinde est, abundare, & penuriam pati. Altè enim animo impresserunt illud: *Nolite sperare in iniuitate, & rapinas nolite concupiscere: diuitia si affluant, nolite cor apponere.* Hæc paupertas non in rebus, sed in animi virtute sita, meritò aurea vocatur; quia beati pauperes spiritu. Cur beati? *Spē,* quia ipsorum est regnum calorum: immò & re, quia talibus nihil accidit, quod eos contristet. Si dat diuitias Deus, accipiunt, & gratias agunt; si aufert rursus, bene contenti sunt; immò læti sunt; & hoc ipso adhuc diuites sunt. Vel Epicuro fatente, *Honesta res est, læta paupertas.* Illa verò non est paupertas, si læta est. Cui enim cum paupertate bene conuenit, diues est, inquit Seneca. Ita

con-

constitutos esse omnes oportet, qui animo
volunt esse tranquillo. Quisquis enim non
potest æquè paupertatem ferre, atque opes
possidere, semper in metu hæret, ne per-
vim aut fraudem amittat illud, in quo pa-
cem mentis collocavit. Cui autem perinde
est, vel habere, vel carere, tamquam rupes
quædam immota stat, procellis vndique
allisis & fractis, & circumlatrantibus dun-
taxat. Eiuscmodi rupes fuit ille, qui vndi-
que & vndique dispoliatus dixit: *Nudus Iob. 1, 21*
egressus sum de utero matris meæ, & nudus re-
uertar illuc: Dominus dedit, Dominus abstu-
lit: sicut Domino placuit, ita factum est: sit no-
men Domini benedictum. In omnibus his non
peccauit Iob labijs suis; neque stultum quid
contra Deum locutus est. Potest ergo aliquis
fieri pauper, & non peccare; potest aliquid
amittere, & nihil stultum contra Deum lo-
qui. Quare non paupertas, sed improbitas,
aut cupiditas, in causa est, si quis ad inopi-
am redactus, aut re aliqua priuatus insanit,
quemadmodum, superiùs vidimus, Anto-
nium Vrceum Codrum, Grammaticum.,
amisso per incendium libro, insaniuisse.

§. VII.

Ad utrumq; parati, & contenti exemplum.

Ac